

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1092/07  
Sarajevo, 30.11.2007. godine

## Z A P I S N I K

### **3. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 30. novembra 2007. godine**

Sjednica je počela u 11 sati.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predsjednicu Federacije Borjanu Krišto, potpredsjednicu Federacije Spomenku Mičić, premijera Federacije Nedžada Brankovića, zamjenike premijera Gavrila Grahovca i Vjekoslava Bevandu, ministre u Vladi Federacije Bosne i Hercegovine, predstavnike Međunarodne zajednice i međunarodnih organizacija, kao i predstavnike akreditiranih medijskih kuća i goste.

Na osnovu evidencije Stručne službe, predsjedavajući je konstatovao da sjednici prisustvuje 46 delegata, što čini većinu, te Dom naroda može raditi i punovažno odlučivati.

Prije utvrđivanja dnevnog reda, predsjedavajući je obavijestio delegate da će se 3. tačka iz predloženog dnevnog reda – Prijedlog Okvirnog Budžeta za period 2008-2010. godina, razmatrati pod nazivom - Dokument Okvirnog Budžeta za period 2008-2010. godina.

Nakon toga, delegati su jednoglasno (40 glasova za), usvojili sljedeći:

## **D N E V N I R E D**

1. Nacrt Budžeta Federacije Bosne i Hercegovine za 2008. godinu,
2. Nacrt Zakona o izvršavanju Budžeta Federacije Bosne i Hercegovine za 2008. godinu,
3. Dokument Okvirnog Budžeta za period 2008-2010. godina,
4. Nacrt Operativnog plana rada Vlade Federacije Bosne i Hercegovine za 2008. godinu.

Prije prelaska na dnevni red, predsjedavajući je predložio da se o svim tačkama dnevnog reda vodi zajednička rasprava, a da se izjašnjavanje obavi pojedinačno, što su delegati prihvatili.

- 1. Nacrt Budžeta Federacije Bosne i Hercegovine za 2008. godinu**
- 2. Nacrt Zakona o izvršavanju Budžeta Federacije Bosne i Hercegovine za 2008. godinu**
- 3. Dokument Okvirnog Budžeta za period 2008-2010. godina**
- 4. Nacrt Operativnog plana rada Vlade Federacije Bosne i Hercegovine za 2008. godinu**

Materijale je utvrdila Vlada Federacije.

Materijale su razmatrala nadležna radna tijela i svoje izvještaje.

Materijale su obrazložili premijer Nedžad Branković i federalni ministar finansija Vjekoslav Bevanda.

Ispred radnih tijela izvještaje su obrazložili Vanja Broćeta, uime Odbora za ekonomsku i razvojnu politiku, finansije i budžet i Odbora za privredu, Alija Begović, predstavnik Odbora za boračka i invalidska pitanja, rad, zdravstvenu i socijalnu zaštitu, Anto Bilić, predsjednik Odbora za obrazovanje, nauku, kulturu, sport i pitanja mladih i Zoran Budimić, predsjednik Odbora za poljoprivredu, vodoprivredu i šumarstvo.

Nakon toga u raspravi su učestvovali: Saša Magazinović, Vjekoslav Bevanda, Jasenko Tufekčić, predsjednik Kluba delegata bošnjačkog naroda, Mirsad Pindžo, Željko Asić, Zoran Budimić, Nikola Simić, Mislav Sučić, Josip Perić, predsjednik Kluba delegata hrvatskog naroda, Snježana Milavić, Tomo Vidović, Asim Mekić, Mira Ljubijankić, predsjednica Kluba delegata srpskog naroda, Sead Čaušević, Elvira Abdić-Jelenović, Ivo Tadić, Drago Puzigaća, Lidija Bradara, Slobodan Rodić, Željko Asić, Mika Lešić, Edina Papo, Besim Imamović, Muharem Serbezovski, Besim Spahić, Denis Zvizdić, Vanja Broćeta i Muhamed Osmić.

Nakon završene rasprave prešlo se na glasanje o razmatranim tačkama dnevnog reda.

## **1. Nacrt Budžeta Federacije Bosne i Hercegovine za 2008. godinu**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom za i uz pet uzdržanih glasova, usvojio sljedeći:

### **Z A K L J U Č A K**

1. Dom naroda Parlamenta Federacije Bosne i Hercegovine prihvata Nacrt Budžeta Federacije Bosne i Hercegovine za 2008. godinu i smatra da može poslužiti kao osnova za izradu prijedloga budžeta.

2. Zadužuje se Vlada Federacije Bosne i Hercegovine da prilikom izrade prijedloga budžeta ima u vidu prijedloge, primjedbe i sugestije iznesene na sjednici.

## **2. Nacrt Zakona o izvršavanju Budžeta Federacije Bosne i Hercegovine za 2008. godinu**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom za i uz pet uzdržanih glasova, usvojio sljedeći:

### **Z A K L J U Č A K**

1. Dom naroda Parlamenta Federacije Bosne i Hercegovine prihvata Nacrt Zakona o izvršavanju Budžeta Federacije Bosne i Hercegovine za 2008. godinu i smatra da može poslužiti kao osnova za izradu prijedloga Zakona.
2. Zadužuje se Vlada Federacije Bosne i Hercegovine da prilikom izrade prijedloga Zakona ima u vidu prijedloge, primjedbe i sugestije iznesene na sjednici.

## **3. Dokument Okvirnog Budžeta za period 2008.-2010. godina**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 43 glasa za i uz tri uzdržana glasa, usvojio sljedeći:

### **Z A K L J U Č A K**

Dom naroda Parlamenta Federacije Bosne i Hercegovine prima k znanju Dokument Okvirnog Budžeta za period 2008-2010. godina.

## **4. Nacrt Operativnog plana rada Vlade Federacije Bosne i Hercegovine za 2008. godinu**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom za, uz jedan glas protiv i uz četiri uzdržana glasa, usvojio sljedeći:

## ZAKLJUČAK

Dom naroda Parlamenta Federacije Bosne i Hercegovine prihvata Nacrt Operativnog plana rada Vlade Federacije Bosne i Hercegovine za 2008. godinu.

\* \* \*

Sjednica je završena u 16.03.

Transkript sa sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆI

Stjepan Krešić